


Xratitjáña ikjaon
nchakon xrokuii kia
pascua, ndo Jesús
ikjui ndo tjajna
Betania ti jii xi Lázaro.
Xi me'e ndo Jesús
juinchexechón ndo xa.



*Tjume'e nchri
María bika'o nchra
xranchi tu'o litro nda
chaxro xraxe tsikoña
xroan nardo tsango tjintee
tsike'na nchra ko bingamá
nchra tutée ndo Jesús, ko
ixi xrajée nchra
juinchexemaxin nchra
tuté ndo, ko nguixin
ngaxin'in nchia bakaxraxe
xroan me'e.



Tjume'e xi Judas Iscariote, naa xi teyuu sen chrikao
ndo Jesús, kuitsje'e xa xitaana tetuan'an ixi xrochronga
xa xranchi xrotsé n̄a ndo Jesús.

Ko je'e n̄a bake'e n̄a juaxruxin
ixi kuin'en n̄a nge'e ndachro
xi Judas ko ndachro n̄a
tsajon n̄a tomi tsayé'e xa.

Ko tjume'e kuaxi
xraxaon xa xranchi
sinche'e xa ixi
xrotsé n̄a ndo Jesús.



Ko sen teyuu chrikao ndo Jesús
juinchekonchjian sen ti sine sen kia
Pascua xranchi je'e ndo kuituan'an
ndo. Ko xrastene sen, ndo Jesús itsé
ndo naa nutja ko kuajon ndo juasaya
ngajin ndo Dio. Tjume'e konchrinjin
ndo nio ko konchjeya ndo nio ngajin
sen chrikao ndo ko ndachro ndo:
–Itsenta nutja ko intenta nio, ixi
nutja ji'in xranchi
xrokjui
cuerpona.



Tjume'e itsé ndo naa vaso jitjiá
ndée tu uva ko kuajon ndo juasaya
ngajin ndo Dio ko chjée ndo sen ko
ndachro ndo: –Tin'innta kainntaixi
ji'in ndée tu uva me'e xrokjui xranchi
jnina, jñi konchjianxin ley natjúá, ko
tsintji jñi kondeexin itsjé chujni ko
jaña tsoméxin ti ndako'a
juinche'e na.



Kaxon ndachro ndo Jesús: –Simón, Simón,
Xixron'anxrée juanchia xa juachaxin tsontsjenga xa
xranchi noa trigo. Ko jan'an kuinóatáana ngajin
Ndotána ixi ja'a nduaxin xrochuntiana. Ko nchakon
xrokjan tsitikaonna, tingijna sen kichuua ixi kaxon
tsitikaon sen ko soji tsintee sen.



Ko ndo Simón ndachro ndo: –Nchána, jan'an
xroría'anta ti no tsiku'unta n̄a ko siá tsija'anta kaxon
jan'an, ko siá ja'anta tsen'ennta, kaxon jan'an tsen'ena.
Ko juatingíexin ndo Jesús: –Pedro, jan'an ntatjua ixi jai
xraxrotsje'a kuntaxichíká, ja'a xrondachrua níi vez
chuxin'ana.



Tjume'e kuiji ndo Jesús ko
sen chrikao ndo ti jii naa
huerto ndatin'in
Getsemaní ko ndache
ndo sen: –Nti'i tinteenta
ko jan'an itsji xronichja'a
Ndotána. Ko ndachro ndo:
–Ja'anta Ndotána. Ja'anta
chondanta kain juachaxin ko
tjancha'anta ixi tsatsinga'i
jan'an juachjaon ji'i. Ko
tsoen'a xranchi jan'an tja'on.
Na'i, tson'en xranchi
ja'anta tjaunnta.



Méxin, xi Judas bika'o xa kueya xi soldado ko kaxin xi policia nche'e xra ni'ngo tsixrua'an xitaana tetuan'an ko xi fariseo. Kuijikao na chika ko xro'i tingasañaxin. Ko naa sen chrikao ndo Jesús juincheni'e sen naa xi nchexrée xitaana, xi ícha tetuan'an, naa chrinjinxon ndatsjon xa ti jian. Ko ndo Jesús ndache ndo sen chrikao ndo: –Ó chao, tintu'enta xa. Ko tjume'e ndo Jesús itsé ndo ndatsjon xi me'e, ko juinchexruen'en ndo xa.



Ko tjume'e itsé nā ndo Jesús, ko sabikao nā ndo ndo'a xitaana, xi ícha tetuan'an. Ko ndo Pedro kjínxin jiru'é'e ndo. Ko juaaka nā xro'i ngusine ntasien nchia me'e ko kuendajin nā xro'i. Ko kaxon ndo Pedro bake'e ndo ngakjen'en nā nti'a.



Tjume'e naa xi nche'e
xrée xitaana tetuan'an,
xi me'e xrakichuu xa xi
tsikonchrijin ndo Pedro
ndatsjon, juanchangi
xa: –¿Á je'a ja'a bikon
riku'a xa ti jii ijngi chóna
lahuerta? Ko ndo Pedro
ndachro ndo íjngo je'a ndo.
Ko tuinxin itsje naa kntaxichíká.
Ko tjume'e ndo Pedro kuachrje
ndo nduja ko tsango tsjanga ndo.



Tjume'e kain xa bingatjen xa ko
sabikao xa ndo Jesús ngajin xi
Pilato. Ko tjume'e xi Pilato
juanchangi'e xa ndo Jesús: –¿Á ja'a
Rey tituen'en ni judío?
Ko ndo Jesús ndachro
ndo: –Ja'a ndachrua.
Ko xi Pilato íjngo
ndachro xa tsajanda xa
ndo Jesús. Ko je'e n̄

ícha séen kuyako n̄:
–¡Tjankanitua xa nt̄acru!

¡Tjankanitua xa nt̄acru!




Méxin, xi Pilato kuajon xa ndo Jesús ngajin ni judío ko sabikao nã ndo tsjankanito nã ndo ntãcru. Jaña ndo Jesús kuachrxexin ndo nti'a yama ndo ntãcru ti no tsjankanito nã ndo, noxon cha'o itji ti no tin'in ntajaa chujni ko ngigua arameo xrondachro Gólgota.



Nti'a juankanito n̄a ndo nt̄acru, ko kaxon
íjngo yuu xi, naa xi bake'e xa ndatsjonxin
jian ko inaa xa ndatsjonxin kjon ko
ngusine bake'e n̄a ndo Jesús.



Ko chjiixro konaxixe'e, ko manta jijeexin ti ícha tjúá
ndo'a ndo Dio chrinjintonga manta. Ko ndo Jesús séen
ndachro ndo: –Ndotána, ngaya tjáanta takée aséenna.
Ko jaña jinichja ndo,
ndakuen'en ndo.



Tjume'e ó kóndo nchakon xrangíxixín
nchakon tjoké'e na, kuji naa ndo
ndatin'in José, tjajnéé ndo
ndatin'in Arimatea. Ndo
me'e kaxon tetuan'an
ndo ti tjajnéé ni judío.
Je'e ndo me'e
jichón'en ndo tsji
juachaxien ndo

Dio ko xrakon'a
ndo kuitsje'e ndo
xi Pilato ko
juanchia ndo
satsikao ndo
cuerpoe ndo
Jesús.



Tjume'e ndo José tsike'na ndo manta
chaxro ko ikjui ndo juinchexingajin
ndo cuerpoe ndo Jesús, ko
kuintsía ndo ndo Jesús
manta. Tjume'e bake'e
ndo cuerpoe ndo
Jesús ti no tsinge na
ngaxin'in naa itjaō.
Ko naa ixro ijié
bijeexin ndo itjaō
me'e.



Ko ndúyaxin ti nchakon tjoké'e sen
tjajna Israel, xitaana tetuan'an ko xi
fariseo kuitsje'e nā xi
Pilato *ko ndachro nā:
–Jan'anna stexraxa'onna
ixi xi Jesús, xi
kuancheya, ti xra
jichón xa ndachro
xa: . . .



... "Nchakon tsen'enna, jan'an xroxechónna nchakon nínxin." Ko je'e nā ikjui nā ko bāke'e nā naa ixro ijié bijeexin tuye ko bāke'e nā naa seña ngata'a ixro ko nti'a kuintu'e nā kaxin xi soldado ixi tsendáa xa tuye.



Kuatsinga nchakon tjoké'e sen tjajna
judío. Xratingasáña'i nchakon
xrangíxixín semana, kuji jan
María Magdalena ko inaa
jan María kuitsje'e sen ti
tsixrabaa ndo Jesús.

Ko hora me'e
kontengí nunte ixi
naa ndo ángel

ne'e ndo Dio
xingajinxin ngajní ko
je'e ndo kuintjian
ndo ixro jijeexin itjao
ko bake'e ndo
ngata'a ixro me'e.



Ko xi soldado ste nti'a, hora bikon xa
ndo ángel, tsango xranga xa ko
tjaun xrokuinteken'en xa ixi
tsango xronka xa. Ko hora
me'e kontengí nunte ixi
naa ndo ángel ne'e
ndo Dio xingajinxin
ngajní ko je'e ndo
kuintjian ndo ixro
jijeexin

itjaḡ ko bake'e ndo
ngata'a ixro me'e.



Ko xi soldado ste nti'a, hora bikon xa
ndo ángel, tsango xranga xa ko
tjaun xrokuinteken'en xa ixi
tsango xronka xa.



Ko ndo ángel me'e ja'in nichje'e ndo
sen nchri: –Ja'anta sen nchri,
xra^ukon'anta. Jan'an nóna ixi
tjéenta ndo Jesús, ndo
kuenxin nganito ntácru.
Ko'a ndo nti'i, ixi je'e
ndo ó xechón
ndo xranchi
chronga ndo ó
sa'ó.


Xrokuiinta ko
tsje'enta ti no
bake'e na ndo.



Ko sen nchri kuachrjexin sen ti no tsixrabaa
ndo Jesús, ko stexronka sen ko steché'e
sen. Tjume'e nteeto sakjui sen
kuichronga sen ngajin sen chrikao
ndo Jesús. Ko je'e ndo Jesús
konoxin ndo ko kuajon ndo
juajna ngajin sen nchri. Ko je'e
sen konchjiñe'e sen ngajin
ndo ko

joa sen tutée ndo,
ko kuajon sen juasie sen.





Tjume'e konoxin ndo ngajin sen tenaá kuajikao ndo ti stene sen. Ko nichje'e ndo sen sonda tsikitikaon'a sen nge'e chronga sen tsikikon ndo ixi je'e ndo ó tsixechón ndo. *Tjume'e juexin nichja Ncháina Jesús ngajin sen, je'e ndo kuajin'in ndo ngajní. Ko nti'a bake'e ndo ndatsjonxin jian ti jii ndo Dio.



'Ndotáina Dio tsango tjue'e ndo kain
chujni jii ngata'a nunte xasintajni,
méxin xruan'an ndo chjen'en ndo, xjan
naakuaxon, ixi kain sen tsitikaon xjan
tsitjáña'i aséen sen ko je'e
sen tsechón sen
kain nchakon.



Romanos 3:23 Ixi kain chujni chónda na ijie, ko jua'i tsikon na juachaxin chónda ndo Dio méxin chonda'i na juachaxin tsake'e na ti jii ndo Dio.

Romanos 6:23 Siá sinche'enta ti ndako'a, tsamanta ijie, ko ti tsjachanta me'e tsen'ennta. A ndo Dio je'e ndo tajon ndo juachaxin tsechónna kain nchakon siá titika'onna Ncháina Cristo Jesús.

Hebreos 9:27 Méxin, jaña xrokonda tsen'en chujni ste ngata'a nunte naakua vez, ko tjume'e ngajní tsóñexin na ijie ti nge'e juinche'e ngujngu chujni.

Efesios 2:8,9 Ixi juasie ndo Dio juinchekitoina ndo ti tsechónna kain nchakon ixi chuntiana ndo Cristo. Je'a ixi xrojan nge'e jian juinche'ena. Na'i. Juasie ndo Dio ixi je'e ndo juinchekitoina ndo juachaxin ji'i.



Je'a ixi naa nge'e jian juinche'ena nti'i, ko
jua'i sinchejié aséeina.

Romanos 10:9,10 Siá ixi ro'anta xrondachroxinnta ko
tsitikaonnta ixi ndo Jesucristo Ncháina, ko siá ixi nchijíi
asáanta tsitikaonnta ixi ndo Dio juinchexechón ndo Cristo,
ja'anta tsarichonnta kain nchakon. Ixi siá nchijíi aséeina
tsitikaonna ixi ndo Dio sinchemé'e ndo jíeina, ko siá ro'ana
xrondachroxinna ixi chuxinna ndo Jesucristo, je'e ndo
tsajon ndo juachaxin tsechónna kain nchakon.

San Juan 3:16,17 'Ndotáina Dio tsango tjue'e ndo kain
chujni jii ngata'a nunte xasintajni, méxin xruan'an ndo
chjen'en ndo, xjan naakuaxon, ixi kain sen tsitikaon xjan
tsitjáña'i aséen sen ko je'e sen tsechón sen kain nchakon.



Ko ndo Dio xruan'i ndo chjen'en ndo ngata'a nunte xasintajni ixi tsjankata'a xjan ijie ngajin na. Na'i, je'e xjan tsantsje xjan ijie chonda na ko jaña tsitjáña'i na.

1 Juan 5:11-13 *Ko ji'i ti ndachro ndo Dio ixi chjaina ndo juachaxin tsechónna kain nchakon, ko juachaxin me'e je'e Chjen'en ndo. Ngisen titikaon Chjen'en ndo Dio, sen me'e chonda sen juachaxin tsechón sen kain nchakon; ko sen chonda'i ngaya aséen sen Chjen'en ndo Dio, jua'i tsechón sen kain nchakon. Jan'an kjin'annta ji'i ixi ja'anta ó titikaonnta Chjen'en ndo Dio, ixi jaña tsono'anta chondanta juachaxin tsarichonnta kain nchakon.



Mateo 26-28; San Lucas 22-24; San Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

San Luis Temalacayuca Popoloca NT (pps) © 2016,
Wycliffe Bible Translators, Inc. All rights reserved.

<https://live.bible.is/bible/PPSTBL/MAT/1>

©2025 Bible for Children, Inc.

www.M1914.org

www.bibleforchildren.org

